



IROMAG

Odlazni studenti



by IROUNMO

U OVOM BROJU

BRUCOŠKI ČAS

SARAM STIPENDIJA 2023

ERASMUS NA UNMO-U

**5. MEĐUNARODNA
NAUČNA
KONFERENCIJA**

**SARADANJA SA BINBIN-
OM**

STUDENTSKI IZBORI

Godine 1992. u Rio de Janeiru u Brazilu, nakon samita o očuvanju okoline, međunarodna organizacija TAFISA je predložila da se jedan dan u oktobru proglasi Svjetskim danom pješačenja. Cilj je bio izvesti toga dana što više ljudi u prirodu kako bi se manifestirala pripadnost određenoj sredini i razvila svijest o potrebi ekološkog očuvanja te sredine, ali i svijest o potrebi kretanja. A pješačenje je čovjeku najprirodnije i najsvojtvenije kretanje. Pješačenje je, složni su svi stručnjaci zdravlja, najjednostavniji i najsvrsishodniji oblik i čuvanja i unapređenja zdravlja.

BRUCOŠKI ČAS

By IROUNMO

U sportskoj dvorani Univerzitetsko-sportskog rekreativnog centra (USRC) "Midhad Hujdur Hujka", tradicionalnom manifestacijom Brucoški sat svečano je obilježen početak nove akademske 2023/2024. godine, za studente prve godine studija Univerziteta "Džemal Bijedić" u Mostaru.

Rektorica Huseinbegović pozdravila je sve brucoše, te im uputila dobrodošlicu u svoje lično ime i u ime nastavnika, saradnika, administrativnog i tehničkog osoblja i studenata Univerziteta "Džemal Bijedić" u Mostaru.

Predsjednik Unije studenata Kenan Begović podsjetio je brucoše da Unija studenata, kao krovno studentsko tijelo na Univerzitetu, stoji na raspolaganju za pomoć i podršku studentima tokom studiranja.

Ove akademske godine u prvi ciklus studija upisano je 894 studenta, što je za 14 posto više u odnosu na prošlu akademsku godinu, a nakon drugog i trećeg upisnog kruga na Univerzitetu očekuju više od hiljadu brucoša.

Studentima su riječi dobrodošlice uputili rektorica Univerziteta "Džemal Bijedić" prof. dr. Alena Huseinbegović, ministar obrazovanja, nauke, kulture i sporta Hercegovačko-neretvanskog kantona Rašid Hadžović i predsjednik Unije studenata Kenan Begović.

Nakon pozdravnih riječi i uručivanja poklona, studenti su se uputili ka prostorijama fakulteta i univerzitetskih studija gdje su imali priliku upoznati nastavno i administrativno osoblje s kojim će sarađivati i usvajati znanje narednih godina.



SAJAM STIPENDIJA 2023

By IROUNMO

Studenti Univerziteta "Džemal Bijedić" u Mostaru posjetili su jučer trinasti po redu Sajam stipendija koji je održan u Rektoratu Univerziteta u Sarajevu.

Organizatori sajma bili su Ured za međunarodnu saradnju Univerziteta u Sarajevu, u saradnji sa Ambasdom Republike Francuske, Campus France i Francuskim institutom, te Ministarstvom nauke, visokog obrazovanja i mladih Kantona Sarajevo.

Sajam je otvorio prof. dr. Rifat Škrijelj, rektor Univerziteta u Sarajevu. Na 13. Sajmu stipendija predstavilo se 55 izlagača iz 18 zemalja.

Cilj Sajma stipendija bio je okupiti sve institucije koje dodjeljuju i/ili administriraju stipendije ili pružaju druge vrste finansijske podrške za studiranje u Bosni i Hercegovini i inostranstvu, te im omogućiti da predstavljaju svoje programe stipendiranja i finansijske podrške i da posjetiteljima pružimo priliku da na jednom mjestu prikupe sve informacije o mogućnostima stipendiranja za dalje školovanje u Bosni i Hercegovini ili inostranstvu.



Učenici su bili u mogućnosti da razmijene različite informacije vezane za njihovu budućnost i budućnost njihovog obrazovanja.

Nakon posjete Sajmu, učenici su imali slobodno vrijeme za sebe.

Posjetu sajmu stipendija organizirali su Kancelarija za međunarodne saradnju, Studentska unija i ESN Mostar.

ERASMUS NA UNMO-U

By IROUNMO

U okviru obilježavanja oktobra kao mjeseca Erazmusa, 27.10.2023. god. Kancelarija za međunarodnu saradnju dočekala je predstavnike deset različitih univerziteta iz Evropske unije.

Gosti su imali priliku da posjete Studentski dom Antalya, a zatim se u sportsko-avanturističkom parku „Fortica“ upoznaju sa radom Univerziteta.

Studenti poslovne informatike, prava, studija turizma i informacionih tehnologija predstavili su svoje aktivnosti u okviru studijskih programa, ali i svoje vannastavne aktivnosti.

Nakon prezentacije, gosti su obišli Stari grad, zajedno sa prof. Goran Ćurić koji ih je upoznao sa historijom Starog grada, gradnjom Starog mosta i tradicijom življenja u Mostaru.

Iman Dilberović predstavila je svoj projekat “Svijet u jednom gradu” koji je realizovala u saradnji sa Koledžom ujedinjenog svijeta u Mostaru. Gosti su mogli pogledati video kampanju studenata poslovne informatike Tarika Karalića, Anise Selimić, Hane Ljeljak, Sare Pervan i Amine Hujdur „Da se ne prepustimo zaboravu“, projekat koji su studenti realizovali u okviru predmeta Projektni menadžment. .

Vildana Kubat predstavila je vannastavne aktivnosti studenata Pravnog fakulteta.

Berun Agić, student informacionih tehnologija, govorio je o programu stručne prakse Programa stažiranja njemačkog biznisa Zoran Đinđić, dok je alumnistica studija turizma Azra Zilić govorila o svom iskustvu studenta na razmjeni na Univerzitetu u Mariboru.



5. MEĐUNARODNA NAUČNA KONFERENCIJA

By IROUNMO

5. Međunarodna naučna konferencija "Pravni i ekonomski aspekti procesa integracije Bosne i Hercegovine u Evropsku uniju". Dana 26. i 27. oktobra na Ekonomskom fakultetu Univerziteta "Džemal Bijedić" u Mostaru održana je 5. Međunarodna naučna konferencije pod nazivom "Pravni i ekonomski aspekti procesa integracije Bosne i Hercegovine u Evropsku Uniju" u organizaciji Ekonomskog i Pravnog fakulteta Univerziteta "Džemal Bijedić" u Mostaru i Ekonomskog fakulteta Univerziteta u Zenici.

Cilj naučne konferencije bio je predočiti pravno-ekonomske barijere i predložiti konkretne prijedloge i optimalna rješenja koja će doprinijeti približavanju Bosne i Hercegovine Evropskoj uniji.

Na uvodnom dijelu konferencije prisutnima su se obratili prof. dr. Adil Trgo, dekan Ekonomskog fakulteta, prof. dr. Amra Jašarbegović, dekanica Pravnog fakulteta, doc. dr. Ajla Muratović-Dedić, dekanica Ekonomskog fakulteta Univerziteta u Zenici, prof. dr. Emir Nezirić, prorektor za nauku i naučno-istraživački rad Univerziteta "Džemal Bijedić" u Mostaru, Erna Kasumović, pomoćnica direktora u Sektoru za usklađivanje pravnog sistema Bosne i Hercegovine s pravnom stečevinom EU, Goran Karanović, viši stručni saradnik za oblast naučno-istraživačke i istraživačko-razvojne djelatnosti Federalnog Ministarstva obrazovanja i nauke, Semir Suljić, savjetnik ministra Ministarstva obrazovanja, nauke, kulture i sporta Hercegovačko-neretvanskog kantona i prof. dr. Edin Rizvanović, predsjednik Programskog odbora konferencije, nakon čega je uslijedio i radni dio konferencije na kojem su učešće uzeli naučni radnici, nastavnici i saradnici sa univerziteta iz Slovenije, Sjeverne Makedonije, Hrvatske i Bosne i Hercegovine, te pravni i ekonomski stručnjaci.



SARADNJA SA BINBIN-OM

By IROUNMO

U sklopu saradnje koja je ostavrena sa tehnološkom kompanijom BinBin BH, osigurani su popusti za određeni broj zainteresovanih studenata. Obzirom da se romobil pokazao kao jako povoljno i praktično prevozno sredstvo na kraće relacije, ovim potezom će studenti moći koristiti već poznate romobile po dodatno nižoj cijeni, što podrazumijeva da se na veći broj studenata ostvaruje dodatno veći popust za svakog studenta pojedinačno. Mogu se vidjeti i svi detalji vezani za loyalty program za studente.



Option 2. – Loyalty program

Service	Duration	Price (VAT included)	Discount %
Program 20-40 users	No limit	0,2375	5%
Program 40-60 users	No limit	0,2250	10%
Program 60-80 users	No limit	0,2125	15%
Program 80-100 users	No limit	0,2000	20%
Program 100+ users	No limit	0,1875	30%

STUDENTSKI IZBORI 2023

By IROUNMO

Nakon procesa prijave kandidata, u kojem je učestvovalo više desetina studenata koji su iskoristili svoje pravo da budu birani, jučer su na fakultetima i univerzitetskim studijima Univerziteta "Džemal Bijedić" u Mostaru održani "Studentski izbori 2023.

Studenti su imali priliku birati svoje predstavnike u naučno-nastavnim vijećima, asocijacijama studenata, a time i u Uniji studenata.

Nakon provedenih izbora, rezultati za naučno - nastavna vijeća su sljedeći:

GRAĐEVINSKI FAKULTET: Anela Husić, Aldin Merzić, Kenan Begović

PRAVNI FAKULTET: Ilma Sabljčić, Belma Čomor, Amir Čaušević, Vildana Kubat

MAŠINSKI FAKULTET: Mirza Idrizović, Mustafa Puljarga, Emir Zečić

NASTAVNIČKI FAKULTET: Lamija Milanović, Ajla Zahirović, Nejra Dilaver, Ena Marić, Aida Agić

AGROMEDITERANSKI FAKULTET: Amar Stranjak, Vedran Kisić, Vildana Hero

FAKULTET HUMANISTIČKIH NAUKA: Ajla Gosto, Umihana Ušćuplić, Amina Tabak

EKONOMSKI FAKULTET: India Manjušak, Ulmihana Čilić, Ajla Fočić

UNIVERZITETSKI STUDIJ ZDRAVSTVENE NJEGE: Nedim Čaušević, Amila Glamočak, Murisa Latić

UNIVERZITETSKI STUDIJ TURIZAM: Salma Šuta, Iman Dilberović, Nejla Baležić

UNIVERZITETSKI STUDIJ DIZAJN INTERIJERA: Dženisa Mušić, Amerisa Džih

UNIVERZITETSKI STUDIJ POSLOVNA INFORMATIKA: Ahmed Čaušević, Sara Kazazić, Zenajda Hero

UNIVERZITETSKI STUDIJ FARMACIJA: Edina Tanović, Ajla Kazazić, Jasmina Begović

FAKULTET INFORMACIJSKIH TEHNOLOGIJA: Amila Alikadić, Dino Burić, Tarik Kreso

IROMAG



/iro.unmo



@iro.unmo



/iro.unmo

IROMAG TEAM
MIRSADA BEHRAM
LEJLA ŠKALJIĆ
LEJLA REPEŠA
HUSEIN MARIĆ

